

吉林財政報告書

賦稅類

賦稅類

甲田賦

呈省長 訓令依關等縣 爲依蘭延吉道區被匪最烈地方滯納處分緩期實行由 附指令

呈爲請將依蘭延吉兩道管轄區內被匪最烈地方滯納處分緩期實行以示體恤仰祈

鑒核事 案奉

鈞省長公 署訓令開查依蘭延吉兩道管轄區內上年被匪最烈地方前經電令

各該管道尹尅日查復以憑核辦在案茲據依蘭道尹東電復稱依蘭自植因公在省被匪破城四區之土龍山六區之雕嶺樺川四區暨營子崗寶清城暨六區中興堡方正之一四區密山之清溝嶺平陽鎮塔子河五道崗穆稜之八面通下城子虎林之四區黑咀子三區之黃崗綏遠之秦得利鎮勃利二區之碾子河匪患均烈又延吉道尹冬電復稱查職屬境內東甯縣之阜寧鎮甯安縣之七河鎮東京城額穆縣之退搏站新站延吉縣之八道溝皆係八年被匪最烈地方並均專報在案各等情前來合行仰該廳查該辦理此令等因奉此查依蘭延吉兩道所屬各縣開闢未久素稱瘠區自上年被匪以來地方蹂躪人民大率遷移以故完納七年大租遲滯異常每多逾限繩以處分本無從

緩之條而按諸事實猶在可矜之列所有依蘭道所屬依蘭樺川寶清方正密山穆稜虎林綏遠勃利等九縣暨延吉道所屬東甯甯安額穆等三縣被匪最烈各區既經各該管道尹查明具報應准將七年大租及積年舊賦一律緩至本年陰歷三月底繳齊免予加罰以示體恤倘再逾限不繳定即照章處罰不得再請展緩惟此係指上列各縣被匪區域而言一縣之內其他各區不得援以為例庶於體恤民隱之中仍寓慎重國課之意除

分呈報并分行外理合備文呈請合亟仰該縣

吉林省長公署指令

呈悉應准備案此令

呈省長為議覆甯安縣被匪各區擬請准予一律緩徵滯納費由

呈為議覆甯安縣被匪各區擬請准予一律緩徵滯納費仰祈

鑒核事案奉

鈞署第四六二號訓令開案據延吉道尹呈以前次呈報甯安東京七河兩區係指被匪最烈地方而言其餘各區被匪雖輕而擾累相同請准予一律緩徵滯納費以惠窮黎一案令廳核議具復以憑令遵此令等因奉此查依蘭延吉兩道管轄區內上年被匪最烈前經各該管道尹查報轉行到廳經廳依據原

報各縣區將七年大租及積年舊賦一律緩至本年陰歷三月底繳齊免予加罰並聲明一縣之內其他各區不得援以爲例等情分別呈報通令各在案查甯安八鄉被匪地方原以東京七河兩區爲最重其他各區本未便援例請緩滯納罰款惟既經延吉道尹轉報被匪雖不甚烈而擾累情狀相同自應一視同仁准將七年滯納處分費一律緩至本年陰歷三月底爲止以示體恤是否有當理合備文呈復
鑒核令遵謹呈

吉林省長公署指令

如呈備案此令

呈省長爲蒙旗徵收租賦驟予改征大洋實多困難請鑒核轉咨由

附指令

呈爲蒙旗徵收租賦驟予改徵大洋實多困難據情呈請鑒核轉咨事案據長春縣知事彭樹棠刪電稱案查縣屬西夾荒蒙租分局向因地處偏陲距城遙遠大洋券通行無多徵收租賦按月照通知平均價折收吉洋報解歷經辦理在案茲據該分局函稱刻因蒙員徵收八年租賦概要大洋券不照平均價折收致近日封納租賦者寥寥請爲轉呈等情查該處僻居邊陲所收租賦向既以平均價折收若驟予改收大洋券實有困難之處惟有懇請鈞廳電商蒙王

轉令該處徵租蒙員仍照平均價折收以免阻滯而昭劃一
等情據此查長春西夾荒蒙局徵收租賦向係按每月平均價折收
吉洋行之有年人民稱便此時驟予改徵大洋券匪特輸租者
不便交納且恐因此減收省庫蒙旗兩無裨益除指令俟奉覆
再令遵照外理合備文呈請

鈞署鑒核電商郭旗轉令該處徵租蒙員仍照平均價折收以免阻滯實爲公便謹呈

吉林省長公署指令

呈悉仰候轉電蒙旗查照辦理此令

呈省長爲遵令核議額穆縣屬

退博站新站被匪最烈擬請將七年度大租及積年舊賦一律緩至本年陰曆三月底截徵免予加罰由附指令

呈爲遵令核議額穆縣屬退博站新站被匪最烈擬請將該處七年度大租及積年舊賦一律緩至本年陰曆三月底截徵免予加罰仰祈

鑒核事案奉

鈞署第一千一百七十八號訓令據延吉道尹呈據額穆縣呈查縣屬退博站新站上年被匪搶掠受害最烈計退博站損失財產五十餘萬吊新站損失財產二百二十餘萬吊均經開單呈報有案該兩處遭此浩劫以致素封化爲窮民貧者流爲餓殍困苦情形有過於水旱災侵者應如何救濟之處理合報請

彙轉示遵等情據此理合專案呈請鑒核等情前來除指令外合亟令仰該廳
卽便妥議具覆以憑核辦此令等因奉此查該縣退搏站新站兩處被匪搶掠
損失財產逾二百餘萬吊之多居民摧殘情殊可憫擬請將該兩站應完七年
度大租及積年舊賦一律緩至本年陰歷三月底截徵免予加罰以示體卹所
有遵令核議額穆縣退搏站新站被匪最烈擬請將該處七年度大租及積年
舊賦一律緩至本年陰歷三月底截徵免予加罰緣由是否有當理合具文呈
請

鑒核施行謹呈

吉林省長公署指令

據呈已悉仰候令行延吉道尹轉飭知照此令

訓令五常縣知事爲飭查邱岳山等包納大租浮收擾民是否屬實由

案查前據五常縣屬舉仁社九甲石頭河佃戶沙振洛宋玉庭等聯名呈控前
充五常縣書吏邱岳山王耀廷二人包納大租任意勒索一案當經抄錄原呈
令飭該縣吳前知事查明核辦旋據查覆內稱查此案前據沙振洛等呈控到
縣當經委員澈查去後茲據覆稱查是案沙振洛應納大租地四十八晌漏未
完租經催徵員王耀廷至鄉催徵數次因催徵急促以故具控奉委前因已將

兩造邀齊面質沙振洛愧悔無及照章完租甘願罷訟呈請銷案等情知事覆查無異核銷在案邱岳山王耀廷係縣委催徵員往各鄉催徵並無浮收情事等情呈覆前來復經本廳委員前往該縣嚴密偵查茲據查覆內稱於二月十二號馳抵五常縣按沙振洛所控各項逐節調查均係確鑿有據毫無虛構邱岳山王耀廷並非書吏由縣署行政科書記王希甫介紹包納大租下鄉催科任意勒索每响勒收二三百吊不等經被害人沙振洛告訴在案該縣吳前知事將王耀廷邱岳山二人羈押經勸學所長婁文藻從中了結曾向王希甫索閱包租名冊冊中包封大租人五名王耀廷包大租地二千一百四十四响一畝七分四厘又史萬選劉鳳福許品山李廷會四人共包大租地四千三百九十八响九畝一分九厘有賬可證並進見該縣知事調卷查閱與所查各節並不兩歧但發還浮收之款無被害人收受之甘結嗣經王希甫補具婁文藻收條一紙代交前來等情附呈包租人名地數清單並原收條一紙呈覆到廳查前呈各節邱岳山王耀廷包納大租均屬確有證據該縣吳前知事事前既毫無察覺及經令委查辦復隱飾呈覆希圖朦蔽縣知事爲親民之官撫字與催科並重該吳前知事縱容胥吏違法殃民實屬咎有難辭仰該知事澈底查明據實呈覆以憑核辦毋得稍涉徇隱致干並咎勿違切切此令

呈省長爲田賦滯納費擬分別提成撥充征租及印刷收據工料各費由呈爲田賦滯納處分費擬分別提成撥充徵租及印刷收據工料各費仰祈鑒核示遵事案查吉省滯納田賦依限處罰辦法於民國三年冬間由廳擬訂簡章詳奉

前吉林巡按使批准飭遵復通行各縣一體遵辦各在案奉行以來於促進徵租頗著成效每年徵收前項滯納費共有二三萬元之數均係隨同大租一併解庫近據各縣呈請因錢法毛荒徵租經費不敷開支擬由所收滯納費內截留成數以資裨補等情查各縣徵收租賦雖准由租款內留支百分之五以爲徵租經費而當此錢荒物貴之時不敷開支亦屬實在復查各縣徵收此項罰款向係於田賦證書內附註罰金數目並無單獨收據可資填發在本廳既無憑查攷在各縣亦易滋弊端茲擬由廳訂定田賦罰金收據印發各縣以備收受罰款時填發俾昭慎重此項收據全年所需爲數甚多所有印刷工料等費卽由滯納費內提用以免開支無着現經本廳擬定辦法卽由徵收田賦滯納費內以百分之五留縣藉補徵租經費之不足其餘九五以四成五解廳用備印刷工料費之開支其餘五成悉數解庫如蒙俯予照准卽行通令各縣遵照辦理除長農德嶺四縣蒙地滯納費擬照大租

分劈法按成均分曾經呈請

鈞署轉咨蒙旗俟奉准後再行酌量規定外所有擬請將田賦滯納費分別提成撥充徵租及刷印收據工料各費緣由是否有當理合檢同票式具文呈請鑒核示遵實爲公便謹呈

吉林省長公署指令

呈暨附件均悉據稱該廳擬訂田賦罰金收據印發各縣以備收受罰款時填發等情係爲杜絕弊混起見事屬可行惟查本省此項收入於民國六年經該廳高前廳長議復省議會咨據扶餘縣自治團傳廣等因廳令各縣原文於滯納處分開銷公私分割未明案內以此項滯納費照章本應全數解歸國庫等語呈復在案究竟解省後是否須隨同正款報部抑即由省自行支配用途本公署無案可稽仰即查明原案詳細聲復再行核辦附件暫存此令

呈省長爲遵令呈覆田賦滯納費是否隨正款報部由省支配用途請鑒核
由

爲呈覆事案奉

鈞署第二千九百九十一號指令呈一件爲擬訂田賦罰金收據分發各屬填用並請將所收罰金分別規定用途請核示由令開呈暨附件均悉據稱該廳

擬訂田賦罰金收據印發各縣以備收受罰款時填發等情係爲杜絕弊混起見事屬可行惟查本省此項收入於民國六年經該廳高前廳長議覆省議會咨據扶餘縣自治團傳廣等因廳令各縣原文於滯納處分開銷公私分割未明案內以此項滯納費照章本應全數解歸國庫等語呈覆在案究竟解省後是否須隨同正款報部抑即由省自行支配用途本公署無案可稽仰即查明原案詳細聲覆再行核辦附件暫存此令等因奉此查田賦滯納費一項本係臨時收入之款常年徵收之數本無定額視滯納地畝之多寡爲準近數年來每年所收之數約在二三萬元左右故此項收入不能列入預算報部各縣解庫後即由省自行支配用途僅於年終決算案內將此項列入收入項下一併呈部惟每年或增或減數各不同現當錢荒物貴之時各縣經徵費不敷開支迭據呈請增加有案值此財政支絀實無他款可以籌撥惟有滯納費一項尙可藉資挹注且擬訂田賦罰金收據分發各屬填用亦爲杜絕弊混之要圖如奉准發行工料所需爲數甚鉅如非籌有的款必至支付維艱所有遵令查覆田賦滯納費支配用途緣由理合具文呈請鑒核示遵實爲公便謹呈

吉林省長公署指令

呈悉此項田賦滯納費用途既據查明向係由省自行支配所請分別提成撥充徵租及刷印收據工料各費應准照辦仰卽通令遵照此令

訓令各縣爲田賦納滯費由本年五月一日起分別提成留解並具領罰金

收據備用由

案查吉省田賦滯納處分辦法於民國三年呈准通行以來於促進徵租頗著成效各縣徵進此項滯納費均係按月隨同大租一併解庫近據各縣呈請因錢法毛荒徵租經費不敷開支擬由所收滯納費內截留數成以資裨補等情查各縣徵收租賦雖准由租款內留支百分之五以爲徵租經費而當此錢荒物貴之時不敷開支亦屬實在復查各縣徵收此項罰款向係由田賦證書內附註罰金數目並無特種收據可資填發在本廳既無憑查考在各縣亦易滋弊端茲擬由廳訂定田賦罰金收據印發各縣以備收受罰款時填發以昭慎重至徵進田賦滯納費款以百分之五留縣藉補徵租經費之不足其餘九五以四成五解廳用備印刷罰金收據工料之開支其餘五成悉數解庫已於本月九日呈奉

省長公署核准照辦在案除分行外合亟令行該縣查照自本年五月一日起嗣後每月徵收田賦滯納處分費以百分之五留縣藉補徵租費之不足其餘

九五以四成五專文逕行解廳餘五成隨同大租一併解庫務仰遵照辦理至田賦罰金收據已由本廳刷印卽由該縣備文具領來廳請領此後徵收滯納費卽須照慎罰金收據交受罰者收執以爲憑證每月填用收據截留之繳查亦應隨同田賦證書繳驗呈送來廳以備稽核並仰遵照此令

訓令

長春 農安 德惠 長嶺

縣爲呈准規定蒙地田賦滯納處分費分劈辦法令行遵照由

案查吉省田賦滯納處分於民國四年由本廳訂定簡章呈奉

前吉林巡按使公署核准通行各縣遵辦在案此項滯納處分原爲促進納租而設所收滯納費本應按月隨同大租一併報解不得挪作地用查各縣自奉行以來尙能照章辦理惟長農德嶺四縣蒙地滯納處分雖亦照例加徵尙未遵章報解前由本廳令飭該四縣將以前徵存滯納費數目分別呈報去後嗣據該縣等覆稱此項滯納費之收入向由蒙員酌量分劈以作徵租員津貼之用以故從未報解等情呈覆前來查蒙地大租雖與民地徵租辦法不同而徵收此項滯納費亦不能儘數動支延不呈報且蒙地徵收大租原有徵租經費何得再以此項公款撥爲津貼如此任意挪用毫無定章殊不足以資循守當由本廳擬定辦法將徵收滯納處分費按照蒙租分劈辦法爲比例以十分

之六歸蒙旗十分之四解省庫於本年二月間呈請

省長公署轉咨蒙旗在案茲奉省長公署第一千七百三十號訓令內開案查前據該廳呈以規定長農德嶺徵收蒙地田賦滯納處分費分劈辦法請轉咨蒙旗查照等因一案當經本公署據情轉咨並指令在案茲准哲里木盟齊盟長咨覆查本旗自四年秋季起卽照滯納處分章程以四六分劈辦理並無儘數動支津貼徵租員之情事今貴省擬將此項徵收滯納處分費按照分劈蒙租辦法爲比例以十分之六歸蒙旗以十分之四解省庫核與歷經辦過原案相符理應照咨辦理除分飭各該縣徵租局知照遵辦外相應咨覆查照施行等因准此合亟令仰該廳卽便知照轉令遵行可也此令等因奉此除分行外合亟令仰該縣遵照嗣後徵收蒙地田賦滯納處分費應將分劈解庫之款按月隨同大租報解不得再任意挪支致千未便務仰遵照切切此令

呈省長爲長農德嶺四縣蒙地滯納費擬照民地分別提成撥充徵租及刷

印收據工料等費由

附指令

呈爲長農德嶺四縣蒙地田賦滯納費擬照民地分別提成撥充徵租及刷印收據工料各費仰祈

鑒核示遵事案查各縣徵收田賦滯納費前由本廳擬定提成辦法以百分之

五留縣藉補徵租經費之不足其餘九五以四成五解廳用備刷印田賦罰金收據工料費之開支餘五成悉數解庫業經呈奉

鈞署核准通令各縣遵照在案復查長春農安德惠長嶺四縣蒙地所收滯納處分費前由本廳擬定分劈辦法以十分之六歸蒙旗十分之四解省庫於本年四月二日呈奉鈞署咨准蒙旗令行到廳轉令該四縣遵照亦在案惟各縣既由滯納費內提成補助徵租經費長農德嶺四縣事同一律亦應規定辦法以示公允且田賦罰金收據現既由廳刷印發給各縣填用該縣等自應一律填發俾昭慎重現經本廳擬定辦法即由分劈解庫之四成內提出二成以五釐留縣補助徵租經費核與各縣留支百分之五之數亦屬相符其餘一成五解廳用備刷印工料費之開支餘二成如數解庫如蒙俯予照准卽行通令該四縣遵照辦理所有擬將長農德嶺四縣蒙地田賦滯納費請照民地分別提成撥充徵租及刷印收據工料各費緣由是否有當理合具文呈請鑒核示遵實爲公便謹呈

吉林省長公署指令

據呈已悉查該縣請將長農德嶺四縣蒙地田賦滯納處分費分別提成撥充各該縣徵租費及該廳刷印收據工料費等辦法既據稱與普通各縣之規定

相符應准照辦仰卽轉令各該縣遵照辦理此令

訓令

長春 農安 德惠 嶺

縣由五月一日起將分劈解庫滯納費分別留解由

案查田賦滯納處分辦法於民國四年呈准通行以來促進徵租頗著成效長春農安德惠長嶺四縣蒙地所收滯納處分費前由本廳擬定分劈辦法以十分之六歸蒙旗十分之四解省庫於本年四月間呈奉

省長公署咨准蒙旗令行到廳轉令該四縣遵照在案前據各縣呈請因錢法毛荒徵租經費不敷開支擬由所收滯納費內截留數成以資裨補等情查各縣徵收田賦雖准由大租款內留支百分之五以爲徵租經費而當此錢荒物貴之時不敷開支亦屬實在復查各縣徵收此項罰款向係於田賦證書內附註數目並無特種收據可資填發在木廳既無憑查考在各縣亦易滋弊端茲由廳訂定田賦罰金收據印發各縣以備收受罰款時填發以昭慎重會由廳擬定辦法卽由徵收滯納費以百分之五留縣藉補徵租經費之不足其餘九五以四成五解廳用備刷印罰金收據工料之開支其餘五成悉數解庫業經呈奉省長公署核准通行在案惟長農德嶺四縣蒙地事同一律未便獨異復由本廳擬定辦法卽由分劈解庫之四成內提出二成以五釐留縣補助徵租

經費核與普通各縣留支百分之五之數亦屬相符其餘一成五解廳用備刷印工料費之開支餘二成如數解庫已於四月二十八日呈奉

省長公署核准飭即轉令各該縣遵照辦理在案除分行外合亟令行該縣遵照自本年五月一日起嗣後每月徵收田賦滯納費應由分發解庫之四成內提出二成以五厘留縣補助徵租經費之不足其餘一成五專文逕行解廳餘二成隨同大租一併解庫務仰遵照辦理至田賦罰金收據已由本廳刷印即由該縣備文具領來廳請領此後徵收滯納費即須照填罰金收據交受罰者收執以爲憑證每月填用收據截留之繳查一聯亦應隨同田賦證書繳查呈送來廳以備稽核並仰遵照此令

呈省長爲長春縣蒙租改征現洋請咨蒙旗暫緩改徵以恤民艱由附指令爲呈請事案據長春縣知事林世瀚呈據縣屬四區紳戶程泰清等稟稱於月之初間有蒙公府派來陳委員到堡蒙租分處稱奉公府派委到堡爲本年年租賦改收現大洋不收永衡大洋等語查吉省現洋缺乏徒然變更租賦輿情不洽恐因此激起風潮請與蒙員磋商設法變通等情稟請到縣當即轉令蒙租分處查復去後旋據該分處書記長陳鴻志稟同前情除逕呈外理合具文呈請鑒核施行等情據此查吉省蒙地租賦向係與民地一律徵收大洋紙幣事